

gratiam non habent? Edifferant denique nobis, qua ratio-
 ne in penitentia Sacramento peccata remittuntur? nonne,
 ut Patres loquuntur, per Spiritum Sanctum, qui inhabitat
 in Ministro ejusdem Sacramenti? In impius autem Ministro
 si Spiritus Sanctus non habitat, quomodo potest peccata di-
 mittere? Sic pseudo-apostoli, & operarii subdoli, transfig-
 urantes se in Angelos Christi, loquuntur, sed in promptu
 ad ea omnia, quæ opposuere, est responsio. Nos quoque
 fatemur, summam vitæ sanctitatem in Sacramentorum Mi-
 nistro requiri, sacrilegii reum clamamus, qui mortalis cul-
 pæ conscius, ausus fuerit Sacra menta confidere aut ministrare;
 sed aliud est sanctitatem requiri, ut licite, aliud, ut valide
 Minister Sacra menta conficiat: illud ulti o asserimus, hoc
 diserte negamus. Cum vero Minister non suo, sed Christi
 nomine agat cum Sacra menta conficit, & qui Baptismum
 ab impius Ministro recipit, licet a mortuo baptizetur, bap-
 tismum tamen recipiat Christi viventis, Ecclesiastici verba
 neque multum, neque parum propositioni Orthodoxæ adver-
 santur; multominus movere nos debent exempla Core, Da-
 tan, & Abiron, in quibus non præcise malitiam & im-
 pietatem, sed legitimæ missionis deficuum a Deo punitum
 fuisse scimus, quia, ut loquitur Augustinus, sibi licentiam
 sacrificandi usurpare conati sunt contra unitatem populi
 Dei. Audivimus Ambrosium, sed de subiecto, non de Mi-
 nistro Sacramentorum loquitur; unde post laudata verba di-
 cit: *Baptizatus es in nomine Trinitatis &c.* Audivimus
Hieronymum, qui non de Eucharistia Sacramento loquitur,
 sed de gratiarum actione, quam euæcristia græca vox de-
 signat. Ad gratiarum vero actionem, probitatem & vitæ
 sanctimoniam necessariam esse, quis negavit? Impii vero,
 & filii diaboli sunt, & tamen Christi instrumenta esse pos-
 sunt. Quare? quia Auctor Sacramentorum propter nimiam
 caritatem suam sic voluit, sic disposuit, sic ordinavit, ut
 etiam impii possent, ceteris paribus, Sacra menta confidere.
 Impii ergo, non quia diaboli filii, sed quia cum Christo per
 intentionem, potestatem, & characterem conjuncti, valide